



Broj: 03/1-05-85-108  
Sarajevo, 3. 2. 2008. godine

**-Članovima Zajedničke komisije za odbranu i sigurnost BiH**

**PREDMET: Izvještaj o posjeti 4. pješadijskoj brigadi OSBiH, Čapljina,  
27. 2. 2008.godine**

Članovi Zajedničke komisije za odbranu i sigurnost BiH (ZK) posjetili su, 27.2. 2008.,  
4.pješadijsku brigadu Oružanih snaga BiH u Čapljini.

U delegaciji ZK bili su: Branko Zrno, predsjedavajući, Slobodan Šaraba, zamjenik  
predsjedavajućeg, Mirko Okolić, Hazim Rančić, Jozo Križanović, Ivo Miro Jović, Adem Huskić,  
Vinko Zorić, Drago Kalabić, Dušanka Majkić, članovi ZK, Dragica Hinić, sekretar, Željko  
Grubešić, stručni savjetnik za vojna i sigurnosna pitanja, i Jovica Katić, stručni saradnik.

Sastanku s Komandom, oficirima i podoficirima 4. pješadijske brigade, prisustvovao je i general-  
major Slavko Puljić, zamjenik načelnika ZŠOSBiH.

Brigadir Ivica Jerkić, komandant brigade, u uvodnom dijelu pozdravio je članove ZK izražavajući  
dobrodošlicu i zadovoljstvo posjetom.

Branko Zrno istakao je da je cilj posjete neposredna razmjena mišljenja o problemima tranzicije,  
personala i budžeta, sagledavanje stanja u realiziranju obuke. O svim ovim pitanjima treba  
razgovarati otvoreno radi nalaženja rješenja koja će OSBiH i Bosnu i Hercegovinu dovesti do  
zacrtaanih ciljeva, koji su posebno aktuelni pred predstojeći samit NATO-a u Bukureštu.

Nakon uvodnog dijela, brigadir Jerkić upoznao je članove ZK o trenutnom stanju u 4.pješadijskoj  
brigadi, s posebnim osvrtom na ključne odluke o reformi OSBiH. Potom se u svojoj prezentaciji  
osvrnuo na sljedeća pitanja:

- misiju jedinice,
- subordinaciju i strukturu 4. pješadijske brigade,
- lokacije razmještaja jedinica 4.pješadijske brigade,
- stanje personala,
- sistem naoružanja,
- probleme u radu,
- planirane aktivnosti 4. pješadijske brigade u narednom periodu.

Objasnio je daljnje težišne zadatke 4. pješadijske brigade, koji se odnose na:

- formiranje komandi i jedinica 4.pješadijske brigade,

- održavanje misije Operativne komande OSBiH,
- učešće jedinice u međunarodnim operacijama podrške miru,
- pružanje pomoći civilnim vlastima za vrijeme elementarnih nepogoda i drugih prirodnih katastrofa,
- lokacije razmještaja,
- stanje personala,
- sisteme naoružanja po materijalnoj formaciji.

Istaknuo je i probleme u radu, kao što su :

- neriješen status neperspektivnih lokacija,
- prevelika angažiranost pripadnika brigade na njihovom osiguranju,
- nepopunjenost jedinica vojničkim sastavom,
- kašnjenja u popuni pripadajućim MTS-om.

Kada su u pitanju planirane aktivnosti u narednom periodu, potencirao je sljedeće ciljeve:

- popuna personalom i opremanje jedinica materijalno-tehničkim sredstvima,
- reduciranje neperspektivnih vojnih lokacija,
- provođenje individualne i kolektivne obuke,
- školovanje i doobuka oficira i podoficira, s posebnim naglaskom na glavne događaje u obuci u 2008. godini,
- standardiziranje za ulazak u Partnerstvo za mir,
- učešće u mirovnim misijama,
- pružanje pomoći civilnim vlastima za vrijeme elementarnih nepogoda i drugih prirodnih katastrofa.

Nakon izlaganja brigadira Jerkića otvorena je rasprava prije svega o pružanju pomoći civilnim vlastima za vrijeme elementarnih nepogoda i drugih prirodnih katastrofa. Posebno se razgovaralo o spremnosti brigade pred predstojeću turističku sezonu, s obzirom da je brigada locirana u području gdje su učestali požari.

Razgovarano je i o popuni brigade vojničkim sastavom, o nepovoljnoj starosnoj strukturi brigade, kao i o koracima koje je potrebno preduzeti u osiguravanju uslova za kvalitetnu obuku i nabavku potrebnim materijalnih sredstava.

Od general-majora Puljića i brigadira Jerkića zatraženo je da se svojim prijedlozima maksimalno angažiraju u prevazilaženju aktuelnih problema, te da preko nadležne komande i Ministarstva odbrane BiH predlože Predsjedništvu BiH i Vijeću ministara BiH način rješavanja aktuelnih problema. Pri tome će od ZK dobiti svu potrebnu podršku.

Nakon prezentacije, članovi ZK prisustvovali su pokaznoj vježbi koja je izvedena u kasarni „Božan Šimović“, kao i štabnoj vježbi koju su izvodili pripadnici jedinica 4. brigade, u saradnji s oficirima Centra za mirovne operacije BiH – PSOTC iz Butmira.

Tom prilikom se članovima ZK obratio brigadni general Lollesgadr, komandant PSOTC, koji je izrazio zadovoljstvo nivoom obuke oficira 4. pješadijske brigade. Isto tako, izrazio je zadovoljstvo posjetom članova ZK brigadi, jer je to, prema njegovim riječima, jedinstvena pozitivna praksa u regionu.

Članovi ZK obišli su dio objekata 4. pješadijske brigade u kasarni „Božan Šimović“.

## **ZAKLJUČCI:**

1. Zajednička komisija za odbranu i sigurnost BiH daje punu podršku naporima Komande 4. pješadijske brigade u izvršavanju postavljene misije i rješavanju aktuelnih problema;
2. Potrebno je planski rješavati aktuelne probleme, kao što su: postojanje

- neperspektivnih lokacija, prijem novih vojnika, nabavka potrebnih materijalnih sredstava i rješavanje statusnih pitanja pripadnika OSBiH u Komandi i jedinicama 4. pješadijske brigade OSBiH;
3. Daje se puna podrška Komandi 4. brigade u realizaciji godišnjeg programa obuke koji imponuje ozbiljnošću, profesionalnošću i visokim nivoom interoperabilnosti sa standardima NATO -a, što je posebno izraženo tokom izvođenja štabne vježbe pripadnika brigade sa osobljem Centra za mirovne operacije BiH (PSOTC) iz Butmira.

Predsjedavajući  
Zajedničke komisije  
**Branko Zrno**